



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՊԱՐԵԿԱՅԻՆ ԾԱՌԱՅՈՒԹՅՈՒՆ

0090, ք.Երևան, Շոպրոնի 77

N 91/19419

<< 01 >> 02 2022թ.

Սվետլանա Համբարձումյանին
Ք.Երևան Բուդապեշտի փողոց 16,18

Ուղարկում եմ Ձեր փնտի հիման վրա ՀՀ ոստիկանության պարեկային ծառայության իրավաբանական բաժանմունքում իրականացված վարչական քողոքարկման վարույթի արդյունքում թիվ 8180055-412 վարչական ակտը բեկանելու և վարչական իրավախախտման վերաբերյալ գործի վարույթը կարճելու մասին որոշումը:

Առդիր՝ << 2 >> թերթ:

Պետ,
ոստիկանության գնդապետ՝

Ա.Ումրշատյան

Կատ. Ս.Ավետյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 21.01.2022թ-ին կայացված թիվ 8180055412 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<< 01 >> 02 2022թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա.Ումրշատյանս, վերանայելով Սվետլանա Համբարձումյանի (Ծանուցման հասցե՝ ք.Երևան Բուդապեշտի փողոց 16,18) 25.01.2022թ. դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

21.01.2022 թ.-ին՝ ժամը 15:20-ին, Երևան քաղաքի Հերացի փողոցում քաղաքացի Սվետլանա Համբարձումյանը «Պորշե» մակնիշի 05 SR 500 հաշվառման համարանիշի տրանսպորտային միջոցը վարել է առանց գործող ԱՊՊԱ պայմանագիր: ՀՀ ոստիկանության պարեկային ծառայության Երևան քաղաքի գնդի 4-րդ պարեկային գումարտակի 1-ին վաշտի պարեկ Գոռ Վահրամյանի կողմից վարորդի նկատմամբ կազմվել է վարչական իրավախախտման վերաբերյալ արձանագրություն և «Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն կայացվել է թիվ 8180055412 որոշումը՝ Սվետլանա Համբարձումյանին 100.000 ՀՀ դրամի չափով տուգանելու մասին:

25.01.2022 թվականին ՀՀ պարեկային ծառայություն ստացված դիմումով Սվետլանա Համբարձումյանը խնդրել է անվավեր համայնել ՀՀ ոստիկանության պարեկային ծառայության վարչական իրավախախտման վերաբերյալ գործով 21.01.2022թ. կայացված 8180055412 որոշումը՝ նշելով, որ տրանսպորտային միջոցը ունեցել է գործող ԱՊՊԱ պայմանագիր և ներկայացրել է թիվ SL 939563 ԱՊՊԱ պայմանագրի և դրանում կատարված համաձայնագրի լուսապատճենները:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի պահանջներով՝ քննության են առնվել իրավախախտման բոլոր, այդ թվում՝ դիմումատուի օգտին առկա փաստական հանգամանքները, ինչի արդյունքում պարզվել է, որ վարչական իրավախախտման վերաբերյալ գործով 21.01.2022թ. կայացված թիվ 8180055412 որոշումը ենթակա է բեկանման՝ հետևյալ պատճառաբանությամբ.

Դիմողը պնդել է իր բողոքը և խնդրել է իրեն չհավիրել վարչական լսման:

«Ավտոտրանսպորտային միջոցների օգտագործումից բխող պատասխանատվության պարտադիր ապահովագրության մասին» ՀՀ օրենքի 5-րդ հոդվածի 4-րդ մասի համաձայն՝ յուրաքանչյուր անձ պետք է մշտապես ունենա սեփականության իրավունքով իրեն պատկանող (ֆինանսական վարձակալության (լիզինգի) պայմանագրով իրեն տրամադրված) և Հայաստանի Հանրապետությունում հաշվառված յուրաքանչյուր ավտոտրանսպորտային միջոցի համար կնքված և գործող ԱՊՊԱ պայմանագիր: Արգելվում է ընդհանուր օգտագործման ավտոմոբիլային ճանապարհներով ավտոտրանսպորտային միջոցի վարումը, եթե դրա համար առկա չէ այն վարելու պահին գործող ԱՊՊԱ պայմանագիր:

«Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն՝ առանց տվյալ տրանսպորտային միջոցի համար կնքված ավտոտրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագիր ունենալու՝ Հայաստանի

ճանապարհներով տրանսպորտային միջոցը վարելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

Քաղաքացու դիմումի հիման վրա հարուցված վարչական վարույթի շրջանակում պարզվել է, որ 21.01.2022թ.-ին՝ ժամը 15:20-ին, «Պորշե» մակնիշի 05 SR 500 հաշվառման համարանիշի տրանսպորտային միջոցն ունեցել է գործող ԱՊՊԱ պայմանագիր:

Միաժամանակ դիմողի կողմից ներկայացված ավտոտրանսպորտային միջոցների օգտագործումից բխող պատասխանատվության պարտադիր ապահովագրության թիվ SL 939563 վկայագրում փոփոխություններ կատարելու վերաբերյալ 26.06.2021 թվականին կնքված թիվ 1 համաձայնագրի համաձայն՝ SL 939563 պայմանագրում կատարվել է փոփոխություն՝ «Պորշե» մակնիշի 50 HH 555 հաշվառման համարանիշի տրանսպորտային միջոցի հաշվառման համարանիշները փոփոխվել են 05 SR 500:

ՀՀ ՃՈ էլեկտրոնային ռեգիստրից կատարված քաղվածքի համաձայն «Պորշե» մակնիշի 05 SR 500 հաշվառման համարանիշի տրանսպորտային միջոցը 11.08.2021 թվականից մինչև 02.08.2022 թվականն ունի գործող ԱՊՊԱ պայմանագիր:

«Վարչարարության հիմունքների և վարչական վարույթի մասին» ՀՀ օրենքի 63-րդ հոդվածի 1-ին մասի ա) կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է՝ օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով:

«Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին կետի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման, եթե բացակայում է վարչական իրավախախտման դեպքը կամ կազմը:

Այսպիսով, ելնելով վերոգրյալից և ղեկավարվելով «Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին մասով և 253-րդ հոդվածի 1-ին մասի 3-րդ կետով՝

ՈՐՈՇԵՑԻ

1. ՀՀ պարեկային ծառայության վարչական իրավախախտման վերաբերյալ գործով 21.01.2022թ. կայացված թիվ 8180055412 որոշումը բեկանել և վարչական իրավախախտման վերաբերյալ գործի վարույթը կարճել:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:

3. Սույն որոշման օրինակն ուղարկել Սվետլանա Համբարձումյանին և ՀՀ պարեկային ծառայության Երևան քաղաքի գունդ:

Պետ,
նստիկանության գնդապետ՝



Ա.Ումրշատյան